

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 Minngortuunnguup Atuarfiata nutarterneqarnissaanut immikkut  
aningaasaliissutissanik qinnuteqaat.**

**Imm. 03 Akia-ni inissialiassat kommunimilu illuliassat ikkussoriaannaat Kangaamiuni  
Atammimmilu ulluunerani qitiusumik paaqqinnittarfissat Namminersorlutik  
Oqartussat akileeqaataaffigisassaat.**

**Suliassat nalinginnaasut**

**Imm. 04 NIIP –pillugu nalunaarussiaq.**

**Imm. 05 Tamalaat.**

Ataatsimiinneq aallartissaaq nal. 13:00

*Peqataasut:*

***Atassut***

Søren Alaufesen, Sisimiut  
Bitten Heilmann, Maniitsoq

***Inuit Ataqtigii***

Anda Berthelsen, Sarfannguit  
Ane Marie Schmidt Hansen, Sisimiut  
Regine Petrussen, Sisimiut - Olga Berthelsen Ljungdahl taarserlugu  
Katrine Larsen Lennert  
Beathe Poulsen, Atammik

***Siumut***

Hermann Berthelsen, Sisimiut  
Evelyn Frederiksen, Sisimiut  
Alfred Olsen, Sisimiut  
Efraim Olsen, Kangaamiut  
Hans Frederik Olsen, Sisimiut (Imm. 05-mi tamalaani Igloo Mountain eqqartorneqarnerani  
peqataanngilaq.)  
Morten Siegstad, Sisimiut  
Karl Davidsen, Maniitsoq

*Nalunaaruteqarlutik peqataanngitsut:*

Olga Berthelsen Ljungdahl (IA)  
Karl Lyberth (S)

**Imm. 01 Oqaluuserisassat akuersissutigineri**

**Aalajangiineq**  
Akuerineqarput.



**Imm. 02 Minngortuunnguup Atuarfiata nutarterneqarnissaanut immikkut  
anigaasaliissutissanik qinnuteqaat**

*Journalnr. 75.40.12*

Tunuliaqutaq

Minngortuunnguup Atuarfiata pilersarusiorneqarnerani paasinarsisimavoq, namminersorlutik oqartussat missingersuutitigut killiliussani immikkoortissimasaat 96 mil. koruuniusut nutarterinermermi naammannaviangitsut, taamaattumik immikkut anigaasaliissutissanik qinnuteqartoqarluni.

Maleruagassatigut tunngavissat

Immikkut anigaasaliissutit Kommunalbestyrelsimit akuersissutigineqartassapput.

Isumaqatigiissut nr. 080-50-108 naapertorlugu atuarfiup nutarterneqarnera namminersorlutik oqartussanit 100 procentimik utertitsissutigineqassaaq.

Paarititarfiup sanatinneqarnera 100 procentimik kommunimut anigaasartuutaassaaq.

Pissutsit atuuttut

Minngortuunnguup Atuarfiata nutarterneqarnissaanut titartaasartunik unammisitsisoqarnerani siunnersuutit pingasut tiguneqarput. Siunnersuutit pingasuusut nalilersorneqarnerani takuneqarsinnaavoq, pilersaarutit taakku arlaannaataluunniit allanngortiterisoqaaqqaartinnagu sipaarniarartoqaaqqaartinnagulu missingersuutitigut killiliussani immikkoortinneqarsimasut 96 mil. koruuniusut eqqortinneqarsinnaanngitsut. Ilanngussaq 1 takuuk.

Pilersaarut anigaasarneq eqqarsaatigalugu iluatinnaateqarnerpaaq nalilersuisoqarneratigut toqqarneqarpoq, pilersarusiornera taalu allartinneqarluni.

Pilersaarut titartaasartunik unammisitsinermeersoq naapertorlugu naleqqussaasoqareemat, titartaasartut missiliuusiortut, tamatumani paasinarsilluni sanaartornissaq missingersuutitigut missiliuutini 15,2 mil. Koruuninik sippuiffiussasooq. Taamaammallu nunaminertami sanaartorfiusussami nutarterinissap annertussusissaa annikillineratigut annertuumik sipaarniarfissanik nassaarniarartoqarpoq, suliassamillu nakkutillineq kommunimit tiguneqarluni. Sippuinissaq tamakkiisumik iluarsineqarsinnaanngilaq, 5,5 mil. koruunimulli appartinneqarluni. Ilanngussaq 2-mi aallaqqaataa takuuk.

Init atuartsiviit aalajangersimasumillu sammisaqarluni atuartsiviit aningissusilerneqarneri Atuarfitsialammut piumasaqaatit naapertorlugit eqqortinneqaaqqalaaginnarput, taamaattorli eqimattakkaartunik atuartsiviit sipaarfigineqarput, taamaalluni m<sup>2</sup>-inngorlugu angissusissaatut aalajangeriikkat affaannaatinneqarlutik. Taakku kvadratmeteritigut sipaarniarfiginissaa atuarfiup sulisuunit naleqqunnerpaasutut nalilerneqarpoq. Pilersaarut maanna taamatut isikkoqartinneqartoq missingersuutitigut 5,5 mil. koruuninik sippuiffiussasooq, m<sup>2</sup>-itigut millisarneqaaqqissappat atuartsineq eqqugaasussaassaaq. Paarititarfeqarneq atuarfimmuut nutaamut ilanngunneqarnikuunera sippuisoqarneranut patsisaasut annerpaartaraat, taamaalluni 1 mil. koruunit pallingajallugit naleqartumik sanaartugassaq 50 m<sup>2</sup>-imik ilaneqartussanngorluni. Akerlianilli maanna paarititarfittut atorneqartumit 150 m<sup>2</sup>-it missiliorlugit annertutigisumit nuunneqartussanngussaaq, taamaalluni taanna siunertanut allanut atorneqarsinnaalissalluni.

Eqaarsaartarfik atuarfiup nutarterneqarnerani peerneqarneratigut arealini sipaarfigineqarsinnaasutuaavoq.

Atuarfitsialak eqqortinneqassappat, eqaarsaartarfik peerneqarneratigut 190 m<sup>2</sup>-i sipaarfigineqarsinnaavoq, naak inersuaq atisaajartarfillu 340 m<sup>2</sup>-isut annertutigigaluartut. Matumani patsisaalluni eqaarsaartarfik marloqiusamik atorsinnaammat, ilaatigut sammisassaqartitsivimmuut ilaalluni.



**Kommunalbestyrelsep marsip 10-ani 2011-mi immikkut ittumik ataatsimiinnera 01/2011  
imaqarniliornera**

Eqqarsaartarfiup peerneqarneratigut sammisassaqartitsivik m<sup>2</sup>-itigut annertunerisoq pissarsiarineqarsinnaangussaaq, taamaalillunilu 3 mil. koruunit kisimi sipaarneqarsinnaassallutik. Pilersaarutip annertussusaa pillugu nuna tamakkerlugu neqeroortitsisoqassaaq. Taamaaliornikkut maani Sisimiuni sungiusimasatsinniit sanilliullugu suliffeqarfiit illoqarfiup avataaneersut akikinnerusumik neqerooruteqarnissaannik periarfissiisoqassaaq. Suliariumannittussarsiuussisoqarneratigut 5mil. koruuninik akikinnerusussaanaera kingusinnerusukkut paasinarsissappat, illutaata qeqqaniittussaanaera patsisaalluni inissamik tamakkiisumik atuilluartoqassappat, kingusinnerusukkut eqaarsaartarfiliisoqarsinnaangilaq. Eqaarsaartarfik saneraatigut igalaaarneqartariaqangilaq, taamaalilluni illorsuup initaata qeqqani inissamik atorluaasoqarsinnaalluni. Atuarfiup initai allat ulluup qaamarniganik pisariaqartitsiviupput, taamaammallu atuarfittaassaaq kingusinnerusukkut eqaarsaartarfimmik ilassuserneqarsinnaanaviarani, taamaaliornikkummi ulluup qaamarniganik init qaammarsarneqarsinnaajunnaassapput.

Aningaasaqarnikkut allaffissornikkullu kingunerisinnaasai

Eqaarsaartarfeqaannarissaq atuarfiup tungaaniit annertuumik kissaatigineqarpoq. taamaattumik atuarfiup missingersuutini misissorsimavai, atuarfittaassamilu eqaarsaartarfissap nalingata annertoqataanik ingerlatsinermi sipaarutissanik nassaarsimallutik. Ilanngussaaq 2-mi naggataa takuuk.

Konto 51-01-12-21-10 Imeq

Kigutileriffik atuarfiup illutaaniippoq, maannakkullu innaallagissamut, imermut kiassarnermullu ukiumut 12.000 koruuninik akiliuteqartarpoq. imermik atuinermut uuttummik nutarterisoqarneratigut immikkut pilerneqassaaq, taamaalilluni imermut atuineq atuarfimmuut sipaarfiulissalluni. Sipaartutissatut missiliuut /ukioq: 5.000kr 2013-imiit

Konto 51-01-12-21-20 Innaallagialaq

B718, B719 aamma B720 2011-p aasaani isaterneqassapput, taamaalilluni atuarfik innaallagissamut aningaasartuutikinnerulissalluni. Nutaamik sanaartortoqarpat, nutaaliaanerusunik innaallagissamilu atuinikitsunik qullerlersuisoqassaaq kiisalu qaamarnigi aqunneqarsinnaasuussallutik taamaalillunilu innaallagissamik atuinikinnerusoqalissalluni. Aammaattaq kigutileriffiup innaallagissamik atuinermik uuttuut napertorlugu akiliuteqartalissaaq, taamaalillunilu atuinermut appariaataangaatsiassalluni. Sipaartutissatut missiliuut /ukioq: 100.000kr 2012-ip aasaaniit

Konto 51-01-12-21-40 Uulia kiassarnermut

Matuma siuliini soorlu nassuiarneqartoq illutaata ilai 2011-mi aasaani isaterneqassapput. Tamanna kiassarneqarnissamik pisariaqartitsinermut annikillisaataassaaq. Ikkat ikerini qilaamilu oqorsaait nutarterinermut ilaatigut ilanngunneqassapput, taamaalilluni illutaani pioreersuni kiassarnermik pisariaqartitsineq malunnaatilimmik annikillisinneqassalluni. Sipaartutissatut missiliuut /ukioq: 200.000kr 2012-ip aasaaniit

Konto 51-01-12-22-01 Illu

Konto taanna illup aserfallatsaaliineqarneranut nalinginnaasumik atorneqartarpoq. Illutaalu nutaaq ukiualunni siullerni aserfallatsaaliinissamik pisariaqartitsineq killilerujussuussaaq. Tamatuma saniatigut atuarfittaassap initaa alleq imaaliinnarlugu aserorterneqarsinnaangitsumik silataa qallersorneqassaaq.

Sipaartutissatut missiliuut /ukioq: 100.000kr 2015-imiit

Konto 51-01-12-25-99 Ininik attartorneq

Konto taanna timersortarfimmik attartornermut kisimi atorneqartarpoq. Atuarfiup eqqarsaartarfiata oqoqarnera pillugu maannakkut matoqqavoq, taamaattumik atuarfiup eqqarsaartitsinissamut allatut ajornartumik timersortarfik attartortariaqartarlugu. Tamannalu ukiumut 780.000 koruuninik



***Kommunalbestyrelsep marsip 10-ani 2011-mi immikkut ittumik ataatsimiinnera 01/2011  
imaqarniliornera***

aningsaasartuuteqarfiusarpoq, atuarfillu namminerisamik eqaarsaartarfittaarpata tassunga aningsaasartuutit affaannangortinneqarsinnaassapput.

Sipaartutissatut missiliuut /ukioq: 400.000kr 2015-imiit

Konto 51-01-12-71-99 Isertitat assigiinngitsut

Soorlu nassuiarneqareersoq kigutileriffik innaallagissamut, imermut kiassarnermullu maannakkut ukiumut 12.000 koruuninik kisimi akiliuteqartarpoq. Atuineq m<sup>2</sup>-iluunniit allaavigalugu kiassarnermut akiliuteqartaleriarpata, isertitassat malunnaatilimmik annertuseriassapput.

Isertitat annertuseriarnissaannut missiliuut /ukioq: 100.000kr 2014-imiit

Konto 51.01.12.79.99 Isertitat assigiinngitsut

Atuarfiup sammisassaqaartitsivittaata eqaarsaartarfittaatalu attartortinneqarneri akeqartinneqalissapput, taamaalilluni attartortitsineri isertaqarfiusalissalluni, taamaattorli katersortarfimmit akikinnerutinneqassanngilaq.

Isertitat annertuseriarnissaannut missiliuut /ukioq: 45.000kr 2015-imiit

2015-imiit sipaarutit ukiumut katillugit 950.000 koruuninngussapput. 5,5 mil. koruuninik taarsersuineri piffissap sivilissusissaannut naatsorsuusialu naapertorlugu 2019-imi imminut akileriikatassasoq takuneqarsinnaavoq.

Ilanngussaq 2 takuuk, taarsersuineri piffissap sivilissusissaannut naatsorsuusialu.

Kommunip 5,5 mil. koruuninik aningsaasaliissutit 2014/2015-imi missingersuutini

ilanngunneqassapput.

Qullersarfiup oqaaseqaatai

Immikkut oqaaseqaatitassanngilaq.

Allaffeqarfiup naliliinera

Atuarfiup nutarterneqarneranut atatillugu eqaarsaartarfiliinissaq iluaqutissartalerujussuusaaq.

Atuarfiup sammisassaqaartitsivittaanut ilanngullugu eqaarsaartarfik atorneqarsinnaavoq, taamaalilluni sammisassaqaartitsivittaa 150 m<sup>2</sup>-isut annertutigisumik sipaarfiusinnaalluni. Taamaattumik atuarfiup nutarterneqarneranut atatillugu eqaarsaartarfiliortoqassappat, tunngaviatigut 3 mil.

koruuneqaannassaaq. Nutarterinermili eqaarsaartarfik sipaarfigineqassappat, annertoqataanik ilassusiinikkut kingusinnerusukkut eqaarsaartarfiliortoqalernerani 5,5 mil. koruunit missiliorlugit naleqassaaq.

Htx-imiit højskolemiillu atuartsinerminnut atatillugu timersortarfik attartorusunneqartaraluarpoq, Minngortuunnguup Atuarfiatali pingasunngornermi nal.8-miit nal.13.30-imut ullullu sinnerini nal. 8-miit nal.15.30-mut attartortarmagu tamanna periarfissaanngilaq.

Tamatuma saniatigut timersortarfiit timersoqatigiiffinnit arlaqartut unnukkut atuerusuttarput.

Eqaarsaartarfittaaq atuarfiup matoreernerata kingorna illup avataaniittunut atuisunut peqatigiiffinnullu attartortinneqartarsinnaavoq, illoqarfiullu timersoqatigiiffii sungiusarnissamut periarfissagissaarnerulersillugit.



Atuarfimmit annertuumik kissaaaaanerata saniatigut paasinarpoq, illoqarfimmiut inersuarmik suli atorfissaqartitsisut. Tamaattumik allaffeqarfiup nalilerpaa, atuarfiup nutarterneqarneranut atatillugu 5,5 mil. koruuninik immikkut aningaasaliisoqarnissaa naleqquttuussasoq, taamaaliornikkummi aningaasat pitsaanerpaamik atorluarneqassapput.

**Ilinniartitaanermut Kulturimut Sunngiffimmullu ataatsimiititaliami suliap sularinera**

Ilinniartitaanermut Kulturimut Sunngiffimmullu ataatsimiititaliap marsip 8-ani 2011-mi ataatsimiinnermini suliaq sularivaa.

Titartaasartut uparuarneqassapput, pilersaarutaasumit 15%-mik akitsoriataarnera akueriuminaatsinneqartoq.

Imm. Aningaasaqarnermik ataatsimiititaliamut ingerlateqqinneqassaaq.

**Borgmesterip suliamik sularinninnera**

Aningaasaqarnermut ataatsimiititaliaq sinnerlugu marsip 9-ani 2011-mi borgmesterip suliaq sularivaa.

**Innersuussut**

Kommunalbestyrelsimut akuersissutigeqqullugit innersuussutigineqassapput,

Atuarfik paaritittarfittaqarlunilu eqaarsaartarfittaqarsinnaaqqullugu, 2014/2015-imi karsimi uninngasuutinit Minngortuunnguup Atuarfiata nutarterneqarnissaanut 5,5 mil. koruuninik immikkut aningaasaliissuteqartoqassasoq.

karsimi uninngasuutinut iluaqutaalersinnaaqqullugit konto 51-01-12-imi ingerlatsinermi sipaarutit 2012-imi ingerlatsinermi missingersuutinut ilanngunneqassasut.

**Aalajangineq**

Innersuussutigineqartoq akuersissutigineqarpoq.

**Ilanngussat**

1. titartaasartunik unammisitsinermi siunnersuummi akigitinneqartut nunaminertallu.
2. Minngortuunnguup Atuarfiata iluarsartuunneqarnissaani C-D-mik missiliuutit.
3. Minngortuunnguup Atuarfianik iluarsartuussinissami pilersaarutip titartagartai.

**Imm. 03 Akia-ni inissialiassat kommunimilu illuliassat ikkussoriaannaat Kangaamiuni Atammimmilu ulluunerani qitiusumik paaqqinnittarfissat Namminersorlutik Oqartussat akileeqataaffigisassaat**

*Journalnr.*

Tunuliaqutaq

Kalaallit Nunaanni Namminersorlutik Oqartussat Ineqarnermut, Attaveqarnermut Angallannermullu Naalackersuisoqarfik aqputigalugu februaarip 21-ni 2011-mi mail-ikkut nalunaarutigivaat, inissiat 36-it immikkoortunut pingasunut inissillugit Sisimiuni Akiani sanatinniaaraat, pingajorarterutaat marluk Namminersorlutik Oqartussanit kiisalu pingajorarterutaat ataaseq aningaasaliissuteqartarfiit aqputigalugit aningaasaliifiusussat.

Peqatigitillugu Naalackersuisoqarfiup februaarip 28-ni 2011-mi mail-ikkut Qeqqata Kommunianut apequteqaatigivaa, ukioq manna kommunimi ikkussoriaannarnik pingasunik sanatitsinissaq kommunip soqutigineraa. Akissuteqarnissamut ullut marluk periarfissiissutaallutik, taamaattumillu allaf-qarfiup neqeroorut akuersissutigigallarpaa.

Tamatumalu malitsigisaanik Naalackersuisoqarfiup nalunaarutigivaa, kommuni alla ikkusoriaannarnik marlunnik illuliorfiunissaminut qujaannarsimasoq, tamaattumillu kommunip ukioq manna aamma taakku pissarsiarisinnaagai. Tamatumunngalu kommuni aamma akuersigallarluni, allamilli ataatsimik pissarseqqissinnaanerluni apeqputigaluguttaaq, taamaalilluni ataatsimut kommunimi ikkussoriaannarnik arfinilinnik pissarserusulluni.

Maleruagassatigut tunngavissaq

Kommunalbestyreysi kommunini aningaasaliissuteqarnissamut pisussaaffeqarput, tassa aningaas-qarnermut ataatsimiititaliap innersuussuteqarneratigut.

Illoqarfinni illut, Kommunip inissiat attartortittagai kiisalu Kommunit ikkussoriaannaat illuliarititaat 2011-mut Aningaasanut inatsimmi konto 89.72.12 "Taartissanik inissialiortiterneq"mi takuneqar-sinnaapput.

Illoqarfinni illuni takuneqarsinnaalluni, taakku Namminersorlutik Oqartussat ataanni inissiaatileqa-tigiiffik Illuut A/S-imit sanaartortitaasut pigineqarlutillu.

Kommunip inissiaataat attartortittakkat ataanni takuneqarsinnaavoq, tamakku illoqarfinni Qaqortumi, Nuummi, Sisimiuni kiisalu Ilulissani aningaasaliissuteqarfiusinnaangitsut.

Kommunip ikkussoriaannartut sanatitaanni takuneqarsinnaavoq, kommunit taakku aqputigalugit innuttarisamik ineqartinniarnissaat peqataaffigisinnaagaat.

Pissutsit atuuttut

Kommunimi ikkusoriaannartut illuliassat neqeroorutaasut, type 3, 75 m<sup>2</sup> kiisalu type 4, 105 m<sup>2</sup>-ritut angissusilerlugit sanatinneqarsinnaapput. Namminersorlutik Oqartussat 100 procentimik illuliassat aningaasaliiffigisavaat, mandetiimillu aqputigalugit tapiissuteqalaarsinnaallutik, sanaartornissaallu kommunip akisussaaffigisallugit. Typet taakku marluk sanaartornermi aningaasartuutitassaasat assi-giinnigissuteqarpallaanngillat.

Kangaamiuni Atammimmilu illut pitsanngorsarnissaat pisariaqartitaavoq, taamatullu qitiusumik paaqqinnittarfik iluarsartuunneqartariaqarluni. Ikkussoriaannaq angineq 105 m<sup>2</sup> piuminartuuvoq, taamalu nunaqarfinni ineqarnikkut paaqqinnittarfeqarnikkullu pitsanngorsaanerme atorneqarsin-naalluni.



Aningaasaqarnikkut allaffissornikkullu kingunerisinnaasai

Maniitsumi Teknikkimut avatangiisinullu immikkoortortap kommunimi ikkussoriaannarnik illulior-nissami aningaasartuutissat nalilersuiffigisimavai, ataatsimullu 1,0-imiit 1,2 mio. koruunit missaanni atorneqarnissaat naatsorsuutigalugu. Illut arfinillit sanaartornerini, tassa Kangaamiuni sisamat Atammimmilu marluk, kommunip aningaasartuutissai 6,6 mio. koruunit missaaniissapput.

Maniitsumi Teknikkimut avatangiisinullu immikkoortortap isumaqarpoq, illulior-titernermi nali-nginnaasumik malinnaanikkut Maniitsumilu sanaartugassat innaallagissiorfiliornissaq, meeqquerivi-liornissaq utoqqarnullu piginnaasaqarnerusunut inissialiornissaq isiginiarlugit, ukioq manna nuna-qarfinni nutaanik sanaartugassanik ilanngussinissaq ajornartorsiutaassasoq. Taamaalilluni ukioq manna Kangaamiuni illuliassat marluk, sinneruttullu sisamat ukiup tullissaanut ilanngunneqarsin-naassapput.

Sisimiuni illuliassanut nalinginnaasunut atugassatut 12 mio. koruunit 2010-miit 2012-imut missi-ngersuutitigit immikkoortitaapput, Namminersorlutilli Oqartussat nalunaarutiginiuuat, Akiani pingasunut ataatsimoortunngorlugit inissialiassat 36-it kommunimit akileqataaffigineqassanngitsut sanaartorniarlugit.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, kommunip sulisuisa inigisaat nunaqarfinni pitsanngorsaaffiusariaqartut, taamatullu aamma nunaqarfinni meeqqanik paaqqinnittarfeqarnerit allanngortiternerini siunertaa-sariaqartoq, illunik pitsaanerusunik atugassaqartitaanissaq.

Borgmesterip suliamik suliarinninnera

Aningaasaqarnermut ataatsimiititaliaq sinnerlugu marsip 9-ani 2011-mi borgmesterip suliaq suliarivaa.

**Innersuussut**

Kommunalbestyrelsimut akuersissutigeqqullugit innersuussutigineqassapput,

Sisimiuni attartortittakkanik inissialiassanut konto 70-60-ikkut 12 mio. koruunit aningaasaliissutaasut taamaatinneqassasut, aningaasallu karsimiittuutininut utertinneqarlutik, imatut agguataarlugit 2010-mi 2,0 mio. koruunit, 2011-mi 6,0 mio. koruunit kiisalu 2012-mi 4,0 mio. koruunit.

Kangaamiuni Atammimmilu kommunip ikkussoriaannarnik arfinilinnik illulior-titsinissaanut 6,6 mio. koruunit aningaasaliissutigineqassasut, taakkulu karmiittuutinit aningaasartuutigineqassallutik imatut agguartaarlugit, 2011-mi 1,6 mio. koruunit, 2012-mi 3,4 mio. koruunit kiisalu 2013-mi 1,6 mio. koruunit.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Aningaasanut inatsimmi konto 89.72.12 ”Taartissanik inissialiortiterneq”





## **Imm. 04 NIIP –pillugu nalunaarusiaq**

*Journalnr. 16.01*

### Tunuliaqutaq

Kommunalbestyrelsip februaarip 24-ni 2011-mi ataatsimiinnerani ”Nunap immikkoortuisa ineriartortinnissaannut pilersaarut (NIIP)”-mut atatillugu Qeqqata Kommuniata salliutinniagai paasisutis-sissutigineqarput.

Massakut Namminersorlutik Oqartussaniit NIIP-mut atatillugu nalunaarusiaq saqqummerpoq, tamannali sioqqullugu kommunalbestyrelsimit oqaaseqaateqarfiginnginnerani oqallisiginnginneranilu politikikkut allaffissornikkullu aqutsisoqatigiinni oqallisigineqarsimalluni. NIIP pillugu nalunaarusiaq Inatsisartuni marsip 31-ni 2011-mi oqallisigineqartussaavoq.

Paasisutisiissutigineqarsinnaavoq, NIIP pillugu politikikkut aqutsisoqatigiinni oqallisiginerani Naalackersuisuni ilaasortat borgmesterillu tamarmik peqataammata. NIIP pillugu allaffissornikkut aqutsisoqatigiinni naalackersuisoqarfinni naalackersuisoqarfinni pisortat kommuninilu pisortaanerit peqataasarlutik.

Aqutsisoqatigiit saniatigut Namminerosorlutik Oqartussat, kommunit, KANUKOKA-p, ilinniagaqarfiit sulisullu peqatigiiffiisa akornanni annertuumik suleqatigiinnissaq siunertaavoq, taamatullu aamma naalackersuisoqarfinniit, piginneqatigiiffinniit sorlu GTE-miit, GV-miit kiisalu GD-miit aalajangeeqatasinnaanatik aallartitanik peqataatitaqarfiusartussamik.

### Maleruagassatigut tunngavissaq

NIIP Naalackersuisunit suliniutaavoq, piffissallu ingerlanerani imaasinnaalluarluni inatsisitigut toqqammavissusar allannagortinneqartut, tamatumuunani Kalaallit Nunaata siunissaami imminnut nammassinnaanerata pitsaaneruseqarfiit toqqammavissaqarnissaa qulakkaarneqarsinnaassamat.

### Pissutsit atuuttut

NIIP pillugu nalunaarusiaq imm. 2-ata eqikkarnera NIIP pillugu nalunaarusiami takuneqarsinnaavoq.

## **2. Eqikkaaneq**

Aaqqissuussineq nuna tamakkerlugu ilinniartitaanerup kiisalu inuusutissarsiutit suliffeqarnerullu iluanni arfineq marlunnik immikkoortortaqqarpoq. Tassunga ilanngutissaaq kommunit sisamat kommuniminni siuarsaaneq atugarissaarnerlu qanoq siuarsarnissaannut aaqqissuussisimapput.

Tulliuttumiipput nuna tamakkerlugu aaqqissuussat arfineq marluk taakkunanilu suliniuteqarfiusut pilersaarutillu pingaarnerit:

### **Meeqqat atuarfiata pimoorussamik suliniuteqarfiginera:**

- Kommuninut tamanut piffissaliussatut aamma iliuusissatut Inerisaavik pilersaarusiussaaq. Ataatsimoortumik iliuusissatut pilersaarummut tunngavissaq (Piffissaliisoqanngilaq – 2011-mi ukiup affaani siullermi naatsorsuutigineqarsinnaavoq)
- Meeqqat atuarfianni oqaatsitigut piginnaasat annertuneruseqarneri (piffissaliisoqanngilaq)
- Atuartitsineri IKT-p annertuneruseqarneri atorineqartarnissaa (piffissaliisoqanngilaq)



**Meeqqat atuarfianit inuusuttut ilinniarfiinut oqinnerusumik ikaarsaarsinnaanissaq**

- Aqqutissiuussinissamut suliniut pillugu atatasimoortumik pilersaarut 2011-p ingerlanerani akuersissutigineqassaaq
- Februar – marts: Meeqqat atuarfianneersunik atuartunut atatillugu ingerlanerani misissueqqissaarneq
- Ilinniartut ineqarfii, atuarfiit aamma efterskolit pillugit immikkoortumi aaqquissuussamik pilersaarusiorneq 2011-mi upernaakkut salliutillugu suliniuteqarfissaq
- Meeqqat atuarfiata inuusuttullu ilinniarfiisa akornanni ikaarsaariartitsinerup aporfeqannginnera

**Inuusuttut ilinniarfiisa ataatsimut pilersaarusiordfigineqarnerat**

- Suliffinni ilinniarfissat amerlanerusut pilersinniarlugit 2011-mi ukiakkut iliuusissanut pilersaarusiorneq

**Suliffeqarnermut tunngasut periarfigissaartut sulianut aalajangersimasunut tunngatillugu najukkanullu assigiinngitsunut nuttarfiusinnaasoq**

- 1) Ikaarsaariartitsinerit, innersuussisarnerit aqqutissiuussinerillu, 2) inuussutissarsiutinut piorsaaffiusunut allamut atuartitsinerit pikkorissaanerillu, 3) suliffeqarneq inissaqartitsiviusoq pillugit iliuuseqarnissamut allaffissornikkut pilersaarusiordermi sammiviliinissamut pingaarnersiuerimullu pingaarnertigut politikikkut tunngaviit piaarnerpaamik akuersissutigineqarneri
- Nuttarsinnaanerup siuarsarneqarnissaanut suliniutinut ajornannginnerusumik isersinnaanermut pilersaarut

**Inuussutissarsiutini ineriartorfiusuni suliffeqarfiit akornanni misilittakkanik paarlaasseqatigiissitsisalernissamik pilersitsineq**

- *Aatsitassat (qularnanngitsumik 2011-mi ukiakkut):*
  - IBA-mi isumaqatigiissutit misilittakkat iluatigisinnaajumallugit nalilersorneqassapput
  - aatsitassarsiordermut ilinniarfiup kommuninilu suliffissarsiuussisarfiit akornanni pitsaannerusumik ataqatigiinneq
  - Aatsitassarsiordermut ilinniarfik aningaasaliissutinik patajaannerusumik qulakkeerunneqassaaq
  - ”piffissap ilaani suliffissaaleqisut”, ukiup ataatsip naannginnerani ukiumut akissarsiaqartunut tunngatillugu inatsisinik naleqqussaaneq.
- *Inuussutissarsiutitigut siuarsaaneq*
  - Inuussutissarsiutitigut siuarsaannermi aaqquissuussineq nutaaq tamatumalu malitsigisaanik isumassarsiorluni siunnersuineq pillugu isummernissamut tunngavissiaq 2011-mi ukiup affaani siullermi
  - Inuussutissarsiutinut piorsaaffiullutillu annertussaaffiusunut nutaanut naleqqiullugu Kalaallit Nunaata unammilersinnaassusia pillugu nalunaarussiaq majimi naammassissasoq ilimagineqarpoq
  - Inuussutissarsiutinut piorsaaffiullutillu annertussaaffiusunut atatillugu inatsisitigut toqqammavigisat naleqqussarneri, tassunga ilanngullugu inuussutissarsiordermut inatsit
  - tapiissutit pillugit nalilersueqqissaarineq 2011
- *Takornariaqarnermik inuussutissarsiorneq:*
  - Takornariaqarnermi aaqquissuussamik ineriartortitsineq nutaaq 2011-mi ukiup affaata siulliup ingerlanerani pigineqalissaaq

### **Sinerissap qanittuani aalisarnerup nutarteriffigineqarnera**

- *Aalisarneq pillugu inatsisip nutarterneqarnera:*
  - Immikkoortoq siulleq UPA 2011-mi naammassineqassaaq UKA 2011-mi aappassaaneerseqarlunilu pingajussaaneerseqarluni.
  - Aalisarnermik inuussutissarsiornerup iluani aaqqissuussaanikkut ajornartorsiutinik annertuumik misissueqqissaarneq 2011-mi ukiup affaani siullermi.
- Immikkoortup aappaa kingusinnerpaamik UPA 2012-mi naammassineqassaaq: kinguaariit nikinnerat, isumalluutinit iluanaarutit akileraarusersorneri il.il.
- *Qaleralinniarmi aqutsinissamut pilersaarut*
  - Qaleralinniarnermi aqutsinissamut pilersaarummut nutaamut siunnersuut 2011-mi upernaakkut
  - Aaqqissuussaanikkut naleqqussaanermi 2011 ikaarsaarfiussaaq

### **Nunatsinni inuussutissanik tunisassiornerup tuniniaanerullu annertusarneqarnera**

- Aaqqissuussamik pilersaarusiortarlunilu iliuusissanut pilersaarusiortneq 2011-mi ukiup affaata aappaani piareersarneqassaaq. Taassuma ilaatigut imarissavai:
  - Nunap iluani nioqutissiorneq
  - Tunitsiviit pillugit kiffartuussinissamut isumaqatigiissutit
  - Nersutit nakorsaqaqarnermut tunngasunik inuussutissarsiutinullu siuarsaanermi iliuuserisassat
- Nunatsinni puisit amiinik tunisaqaqarnerup annertusinissaanut immikkut suliniut

### **Nunatsinni sanaartornermi aaqqissuussamik pilersaarusiortneq piareersarlunilu sulineq**

- Sanaartornermut tunngatillugu killiffik pillugu nalunaarusiaq 2011-mi upernaap ingerlanerani suliarineqassaaq
- Nuna tamakkerlugu sanaartornermi aningaasalersuinermilu aaqqissuussamik piffissamut 2012 – 2017-mut pilersaarusiortneq suliarineqassaaq
- Ilinniartut ineqarfii, atuarfiit aamma efterskolit pillugit immikkoortumi aaqqissuussamik pilersaarusiortneq 2011-mi upernaakkut salliutillugu suliniuteqarfissaaq

### **Ineriartortitsineq pillugu ataatsimeersuarnerit**

- 2011-p ingerlanerani ilaatigut nunaqarfinnik inerisaanissaaq siunertaralugu nunap immikkoortuini ineriartortitsineq pillugu ataatsimeersuartitsisoqassaaq.

Tamakku saniatigut nalunaarusiami kommunit salliutinniagaat innersuussutigineqassaaq.

### Allaffissornikkut naliliineq

NIIP –mik pilersaarutit naalakkersuisut siulittaasuata allaffeqarfiani inissitaapput, taamalu Naalakkersuisuniit malinnaaffigilluarneqassallutik, tamakkulu aqutugalugit Kalaallit Nunaanni attaveqarnikkut aaqqissuussaanermi unamminartut/ajornartorsiutit anigorniagassaassallutik.

Massakkumut NIIP-p qanoq ingerlanissaa siulittuutigiuminaappoq, taamaattorli pingaaruteqarluni pilersaarutitigut kommunip suleqataanissaa, tamatumani periarfissanik atorluanaanissaa, periarfissat kommunip pilersaarusiortnermini periusissaata imarisaanik ingerlatitseqqiffiusut.

**Innersuussut**

Allaffeqarfiup kommunalbestyrelsimut innersuussutigissavaa, NIIP pillugu nalunaarusiaq oqallisi-  
gineqassasoq.

**Aalajangiineq**

Oqaaserineqartut ilanngullugit tusaatissatut tiguneqarpoq.

**Ilanngussaq**

1. NIIP –pillugu nalunaarusiaq



**Imm. 05 Tamalaat**

Nal. 14:10 – 16:15 Akileraartarnermut Atugarissaarnermullu Ataatsimiititaliap isumaliutissiissu-  
minik saqqummiinera. Saqqummiipput siulittaasoq Torben M. Andersen, Nunap aningaasaqarneranut  
tunngasunut Professori. Aarhusip Universitetianiit. Aammalu Per Bach Jørgensen, Fagchefi.  
Skatteministeriet. Ataatsimiititaliami peqataatitaq.

Nal. 16:20 – 17:25 Igloo Mountain Aps-ip pilersaarusiainik saqqummiivoq, saqqummiisoralugit  
pisortat Klavs Sefeld Møller aammalu Laarseeraq Skifte. Pilersaarusiaq tunngaviusumik kommu-  
nalbestyrelsimit taperserpeqarpoq.

Ataatsimiinneq naammassivoq nal. 18.30